


Kumtluang

BU NGANA



Pawl-V Mizo

PARTS OF SPEECH

(Tawng then hranna chi hrang hrangte)

Mizo tawnga Parts of Speech kan zir dawn a. Sap tawnga Parts of Speech chi hrang hrang hming hi khawvêl pumin kan hriat leh kan hman theuh a nih avangin a then hranna hming atan kan hmang ve mai dawn a ni. Preposition erawh chu postposition tiin Mizo Grammar-ah chuan kan hmang thin.

Parts of Speech pariat hmingte chu — noun, pronoun, adjective, verb, adverb, postposition, conjunction leh interjection te an ni. A hrilhfiahna leh a entirna te nen a mal malin lo sawi zui ila.

1. Noun : Hming (mihring leh thil tinreng hming)

Entir nan : Pathian, mihring, Rokunga, India, Mizoram, Saiha, Phawngpui leh a dangte.

2. Pronoun : Noun aiawha thu hman.

Entir nan : ka, kan, keimah, keini, keimahni, i, in, nang, nangmah, nangmahni.

3. Adjective : Noun leh pronoun hrilhfiaktu.

Entir nan : panga, tam, tlêm, dum, vâr, sen, chhia, tha, sâng, hniam, lian, tê, leh a dang tam tak.

4. Verb : Thiltih sawina thumal.

Entir nan : thu, kal, ding, tlân, zuang, lawn, ei, in, lem, e, nui, mu, ngaihtuah, ring, hria, ziaak leh a dangte.

5. Adverb : Verb te, adjective te, adverb vêk te hrilhfiaktu.

Entir nan : takin, tak tak, tak meuh, êm êm, lutuk, rura, viau leh a dangte.

6. Postposition : Noun leh pronoun zawm leh dawta thumal hman thinte.

Entir nan : a, ah, atangin, atan, chungah, hnuaiah, kiangah, bulah, sirah, piahah, laiah leh a

dangte.

7. Conjunction : Thu zawmna.

Entir nan : leh, avangin, chuvangin, chutichuan, mahse, nâa, erawh chu, nimahsela leh a dangte.

8. Interjection : Rilrua thil lo thleng thut leh phurna lan chhuahtirna thu hi a ni.

Entir nan : Aw! E khai! E heu! Awi! Chu! Uai! leh a dangte.

TIH TURTE

1. A hnuaia thumal aţang hian adjective leh verb han thliar hrang teh.

zai mawi siam thlum thlâwk sei

seh sât fel hriam en tlem

Adjective -

Verb -

2. A hnuaia thute hi thu uarna ţawngkamin han chhunzawm teh.

Entir nan: I zai thiam – I zai thiam khawp mai.

(a) A va mawi

(aw) I ziaak nalh

(b) Ka pa chu a zaidam

(ch) Kan sikul chu a hla

(d) Kan zirtirtute chu an fel

3. A hnuaia kar awl hi thu zawmna (conjunction) hmangin han dah khat teh.

(a) Lala _____ Sanga _____ han ko teh.

(aw) Sangteii chu a fel; _____ a zakzum deuh.

(b) Zami chu a nuin a zinsan _____ a lung a leng.

(ch) Pen _____ pencil ka lei.

(d) Vawk _____, ar _____, kel _____ kan vulh.

4. Mizote hna thawhna hmanraw hming i hriat apiang han ziaak teh.

5. Kualkhung chhunga a dik zawk hi thlang chhuak rawh.

(a) 'naa' hi (posposition/conjunction) a ni.

(aw) 'riau' hi (verb/adverb) a ni.

(b) 'chhakah' hi (interjection/postposition) a ni.

(ch) 'sava' hi (adjective/noun) a ni.

(d) 'nangni' hi (conjunction/pronoun) a ni.

(e) 'êu!' hi (adjective/interjection) a ni.

6. A hnuaia thumalte hian awmze hrang hrang an nei a, a entirna pek ang hian an awmze hrang tifiak turin sentence han siam ve teh.

Entir nan: zâm- 1) Maian a zâm.

2) Hruì zam hnawk suh.

3) Zam reng reng suh.

(a) bal

(aw) lei

(b) zing

(ch) hlim

7. Heng thu epte hi han ziaak teh.

lawn - _____

tam - _____

chhia - _____

ṭhu - _____

ziak - _____

fai - _____

8. A dik zawnah 'D' dah la, a dik lo zawnah 'X' dah ang che.

(a) Hming tawh phawt chu pronoun a ni.

(aw) Conjunction chu thu zawmna a ni.

(b) Thiltih sawina hi adverb a ni.

(ch) 'êm êm' tih thu hi adjective a ni.

(d) pangpar hi noun a ni.

9. In sikul chanchin tawi tein zia la, adjective thu i hman apiang hnuaiah rin ang che.

Table of Contents

1. ZIRLAI 20

1. PARTS OF SPEECH

1. 1. Noun : Hming (mihring leh thil tinreng hming)
2. 2. Pronoun : Noun aiawha thu hman.
3. 3. Adjective : Noun leh pronoun hrilhfiatu.
4. 4. Verb : Thiltih sawina thumal.
5. 5. Adverb : Verb te, adjective te, adverb vêk te hrilhfiatu.
6. 6. Postposition : Noun leh pronoun zawm leh dawta thumal hman \hinte.
7. 7. Conjunction : Thu zawmna.
8. 8. Interjection : Rilruea thil lo thleng thut leh phurna lan chhuahtirna thu hi a ni.

9. TIH TURTE

1. 1. A hnuaia thumal a\ang hian adjective leh verb han thliar hrang teh.
2. 2. A hnuaia thute hi thu uarna \awngkamin han chhonzawm teh.
3. 3. A hnuaia kar awl hi thu zawmna (conjunction) hmangin han dah khat teh.
4. 4. Mizote hna thawhna hmanraw hming i hriat apiang han ziaak teh.
5. 5. Kualkhung chhunga a dik zawk hi thlang chhuak rawh.
6. 6. A hnuaia thumalte hian awmze hrang hrang an nei a, a entirna pek ang hian an awmze hrang tifiaw turin sentence han siam ve teh.
7. 7. Heng thu epte hi han ziaak teh.
8. 8. A dik zawnah 'D' dah la, a dik lo zawnah 'X' dah ang che.
9. 9. In sikul chanchin tawi tein ziaak la, adjective thu i hman apiang hnuaiah rin ang che.